



**Concello de Vigo**

**ACTA DA XUNTA DE GOBERNO LOCAL  
Sesión do 13 de outubro de 2023 (1560/1102)**

**ASISTENTES:**

**Membros :**

D. Abel Caballero Álvarez  
D<sup>a</sup> M<sup>a</sup> Carmen Silva Rego  
D. Francisco Javier Pardo Espiñeira  
D<sup>a</sup> Elena Espinosa Mangana  
D<sup>a</sup> M<sup>a</sup> José Caride Estévez  
D. Carlos López Font  
D<sup>a</sup> Patricia Rodríguez Calviño

**NON ASISTEN:**

D<sup>a</sup> Yolanda Aguiar Castro  
D. Angel Rivas González  
D. Jaime Aneiros Pereira

Na Casa do Concello de Vigo, ás doce horas e corenta e cinco minutos do día trece de outubro de dous mil vinte e tres e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Rodríguez Calviño, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, a secretaria de Goberno local, Sra. Gallardo Fariña.

A Xunta de Goberno Local adopta os seguintes acordos:

**1(846).- RATIFICACIÓN DA URXENCIA.**

A Xunta de Goberno local ratifica a urxencia da sesión segundo consta nas dilixencias dos servizos incorporadas nos expedientes que se someten a aprobación na presente sesión.

Antes do tratamento dos asuntos para a súa aprobación, pola Secretaría do Goberno Local recóllese declaración expresa dos membros da Xunta de Goberno Local presentes na sesión de non incorrer en posible conflito de intereses, nos termos establecidos no modelo aprobado para a Xunta de Goberno Local por Resolución da Concellería Delegada de Xestión Municipal de data 24.02.2021, e de conformidade co Plan de Integridade na Contratación, aprobado pola Xunta de Goberno Local en data 12.12.2020, e o seu Desenvolvemento Operativo aprobado por resolución da Concellería Delegada de Xestión Municipal de data 17.12.2019.

## **2(847).- PROPOSTA DE APROBACIÓN DA PROGRAMACIÓN DE ACTUACIÓNS DAS FESTAS DO NADAL 2023-20. EXPTE. 9497/106.**

Visto o informe xurídico do 13/10/2023, dáse conta do informe-proposta da mesma data, asinado polo enxeñeiro municipal adscrito ao servizo de Comercio e o concelleiro da Área de Goberno, que di o seguinte:

### **A) OBXECTIVOS**

A creación de espazos temáticos de Nadal ambientados con iluminación decorativa, ornamentación, exposicións e actividades de ocio e comerciais constitúe un pilar fundamental do Nadal olívico, baseado na mestura de tradición, socialización e reactivación da economía local, que estende o seu impacto á área metropolitana da cidade e norte de Portugal, na procura dos seguintes obxectivos:

**Obxectivo 1.-** Promover unha oferta sociocultural desestacionalizada de inverno de calidade para a cidadanía que manteña a Vigo nun centro de referencia de ocio e traslade ao exterior unha imaxe de cidade moderna, dinámica e participativa, así como un lugar de referencia de celebración de grandes eventos.

**Obxectivo 2.-** Acadar accións transformadoras do municipio a través da programación de actividades socioculturais de Nadal xeradoras de espazos de convivencia de especial atractivo comercial e turístico que contribúan á difusión da nosa identidade social, cultural e histórica.

**Obxectivo 3.-** Favorecer a cooperación entre o sector público e privado e as entidades sen ánimo de lucro no desenvolvemento de programas de actividades de animación sociocultural nas festas tradicionais do nadal que complementen e/ou suplan aquelas de competencia municipal coa fin de apoiar e fortalecer o tecido social e económico local.

**Obxectivo 4.-** Fomentar unha cidadanía participativa e transformadora da súa contorna, implicada na mellora da súa calidade de vida e cohesión social do municipio.

**Obxectivo 5.-** Impulsar un maior posicionamento da marca Vigo reforzando a súa identidade corporativa en termos de calidade e imaxe de marca, posibilitando un maior emprendemento e economía de escala.

**Obxectivo 6.-** Fomentar acontecementos que promovan a manifestación de valores culturais, sociais e de espazos para a convivencia lúdica e de recreación na tradición popular do Nadal entre a cidadanía, con especial consideración as súas características etnolóxicas e de especial atractivo comercial e turístico.

### **B) ACTUACIÓNS DE MELLORA REALIZADAS**

Tendo en conta a experiencia do Concello de Vigo en pasadas edicións da Campaña de Nadal, e a súa intención de mellora continua desta, e atendendo ás diversas suxestións e queixas da cidadanía, este Concello ven adoptando unha serie de medidas correctoras



## Concello de Vigo

(diminución contaminación acústica, mellora da mobilidade...), algunhas delas implementadas xa en campañas anteriores e proponendo as seguintes para a Campaña 2023-2024:

- 1.- Redución do horario de funcionamento das atraccións recreativas.**
- 2.- Non prórroga da instalación das atraccións recreativas do expediente 7897/106 na rúa Rosalía de Castro-Areal II.**
- 3.- Non prórroga da instalación da pista de xeo do expediente 8954/106 na Praza de Portugal.**
- 4.- Retirada das atraccións mecánicas recreativas máis ruidosas situadas na rúa Areal (entre rúa Colón e rúa Pontevedra) e na Praza de Compostela.**
- 5.- Redución do número de atraccións de alta capacidade.**
- 6.- Traslado do "Carrusel Veneciano",** situado na rúa Concepción Areal (liberando este espazo) e reubicación deste na rúa Areal.
- 7.- Instalación de novas atraccións recreativas e exposicións didácticas** destinadas ao público infantil en detrimento das destinadas a uso familiar a fin de diminuír a contaminación acústica.
- 8.- Traslado das colas da nora xigante,** recolócase estas en paralelo aos xardíns de Eijo Garay, liberando espazo na rúa Colón.
- 9.- Limitación de empregar dispositivos e mecanismos emisores de ruídos** (altosfalantes, bucinas, etc...) **nas atraccións.**
- 10.- Potenciación de sistemas de información visual e/ou sonora** que permiten adecuar o volume dos anuncios informativos aos niveis permitidos de emisión sónica para os avisos de inicio e fin das viaxes das atraccións recreativas.
- 11.- Supresión da música ambiente de rúas na contorna da rúa Areal,** mantendo a instalación dos equipos para a emisión de anuncios informativos por motivos de seguridade.
- 11.- Baixada do volume da música ambiente** en todas as rúas nas que se atopa instalada
- 12. Redución do horario de funcionamento da música ambiente** en todas as rúas na que se atopa instalada.
- 13. Liberación de espazo na Praza de Compostela de casetas do mercadillo do Nadal** a fin de facilitar a mobilidade na contorna da nora.
- 14.- Supresión do escenario de concertos** localizados na Praza de Compostela.
- 15.- Limitación do volume do fío musical** do mercadillo localizado no interior da Praza de Compostela e orientación dos equipos de son e música ambiente, dirixindo o son cara o centro da Praza de Compostela.

**16.- No autorizar a iluminación do arborado catalogado da Praza de Compostela,** iluminando unicamente o resto do arborado.

En data 09 de outubro de 2023 remítese dilixencia aos distintos servizos municipais afectados coa proposta de programación Campaña Nadal 2023-2024. Incorpóranse no expediente informe ao respecto dos seguintes servizos: Parques e Xardíns, Turismo, Seguridade, Medio Ambiente, Transportes, Electromecánicos, Limpeza, Fomento, Dirección de Ingresos e Patrimonio Histórico.

En base ao exposto e co fin de realizar unha axeitada planificación da programación do Nadal, este Centro Xestor de Comercio considera conveniente realizar a seguinte

**C) PROPOSTA DE PROGRAMACIÓN CAMPAÑA DO NADAL 2023-2024**

**1.- ILUMINACIÓN DECORATIVA E ARTÍSTICA** (expte 9274/106):

Composto por 420 ud de rúas e prazas iluminadas cunha cifra superior a 11,5 millóns de puntos de luz led, que se relacionan no PPT do contrato pendente de licitación, e síntese seguinte:

- \* *Arcos ornamentais:* 1.159 ud.
- \* *Motivos ornamentais:* 2.549 ud.
- \* *Cortinas ou cordóns led para o arborado:* 2.318 ud.
- \* *Conxunto de elementos para ornamentación mercados de abastos, paraguas en prazas, rotondas, cruces de rúas, pérgolas, elementos escultóricos, rótulos Bo Nadal, edificios municipais (Casa Galega da Cultura, Casa das Artes), elementos de gran porte transitables, etc.*
- \* *Árbore xigante de Nadal, sobre plataforma base escalitanata frontal enmoquetada.*
- \* *Espectáculo de luz e son da Árbore Xigante de Nadal.*
- \* *Producción técnica con equipo de luz, son e pantalla xigante para os actos de acendido e apagado.*

**Horario:**

Acendido: Todos os días ás 18:00 h.

Apagado:

- De domingo a mércores: Ás 01:00 h
- De xoves a sábado, e vésperas de festivos e festivos: Ás 04:00 h
- Nas noites do 23, 24, 25, 30, 31 de decembro e nas noites do 1, 5 e 6 de xaneiro, permanecerá acendido todas as noites ata ao amencer.



## Concello de Vigo

### **2.- ORNAMENTACIÓN CON ELEMENTOS FIGURATIVOS LUMÍNICOS** (expte 8586/106):

A síntese do contido conforme ao proxectos decorativos presentados en prazo inclúen:

\* **Lote nº 1.- Dez sets decorativos** de Nadal con elementos vexetais e outros figurativos de estrutura de madeira, fibra de vidro, resina epoxi, con base enmoquetada, descritos no proxecto decorativo a instalar nas rúas P. Sanz, Príncipe, Eduardo Iglesias, G. Barbón e Barrio Histórico.

#### **Horario:**

Exposición permanente durante toda a campaña de Nadal.

\* **Lote nº 2.- Cinco instalacións figurativas** e decorativas lumínicas xeométricas transitables de gran porte identificadas no proxecto decorativo, subministro, montaxe, desmonte e mantemento, a instalar na rúa P. Sanz, Gran Vía, García Barbón da instalación na zona centro da cidade.

\* **Lote nº 3.- Sete instalacións decorativas** lumínicas non transitables de porte medio identificados no proxecto decorativo, subministro, montaxe, desmonte e mantemento da instalación, a instalar nas rúas Príncipe, P. Sanz e García Barbón.

#### **Horario lote nº 2 e 3:**

Exposición permanente durante toda a campaña de Nadal, e iluminación o seguinte horario:

Acendido: Todos os días ás 18:00 h.

#### Apagado:

- De domingo a mércores: Ás 01:00 h
- De xoves a sábado, e vésperas de festivos e festivos: Ás 04:00 h
- Nas noites do 23, 24, 25, 30, 31 de decembro e nas noites do 1, 5 e 6 de xaneiro, permanecerá acendido todas as noites ata ao amencer.

### **3.- EXPOSICIÓN BELEN MONUMENTAL** (expte 7788/106)

Localización: Casa das Artes

\* A síntese do contido do proxecto expositivo unido ao expediente e presentado en prazo, inclúe:

- Belén monumental cunha superficie de 160 m<sup>2</sup>, exposición fotográfica complementaria, guía didáctica, visitas guiadas.
- Data de inauguración prevista da exposición: 2<sup>a</sup> quincena de novembro de 2023.
- Periodo expositivo: 2<sup>a</sup> quincena de novembro ao 6 de xaneiro de 2024.

#### **Horario:**

- De luns a xoves: de 17:00 h a 21:30 h.
- Venres: de 10:00 h a 14:00 h e de 17:00h a 21:30h
- Sábados, domingos e festivos: de 11:00h a 21:30h.
- Días especiais: 24 e 31 de decembro e 5 de xaneiro: de 12:00h a 21:00 h; días 25 de decembro, 1 e 6 de xaneiro de 17,00 h a 21,30 h.
- Visitas guiadas: segunda semana de decembro de 10 h a 14 h, visitas guiadas de 30 minutos, dirixidas unicamente aos centros educativos, cun máximo de 30 persoas por quenda, previamente concertadas.

#### **4.- MEGAFONÍA DE AMBIENTE MUSICAL EN ZONAS COMERCIAIS (expte 7819/106)**

Ámbito territorial de actuación:

**ZONA 1:** Paseo de Alfonso, rúa Elduayen, Porta do Sol, Praza da Princesa, Praza da Constitución, rúa Triunfo, Praza da Pedra, rúa Príncipe, rúa Eduardo Iglesias, rúa Velázquez Moreno, rúa Carral, rúa Policarpo Sanz e rúa Colón.

**ZONA 2:** rúa Camelias, rúa Pi y Margall, rúa López Mora e rúa Torrecedeira.

**ZONA 3:** rúa Gran Vía e rúa Venezuela.

**ZONA 4:** rúa Urzáiz, rúa Pizarro, rúa Condesa Casa Barcena e rúa Honduras.

**ZONA 5:** rúa Areal, rúa Colón, rúa Rosalía de Castro e García Barbón.

**ZONA 6:** (Navia) rúa Teixugueiras.

**ZONA 7:** (Bouzas), Praza Urzáiz, Praza Suárez Llanos, Praza M. de Santos, rúa Paulino Freire, rúa Pescadores e rúa Eduardo Cabello.

**ZONA 8:** (Teis) rúa Sanjurjo Badía, contorna mercado de Teis e rúa Pedro Alvarado.

**ZONA 9:** (Castrelos): Avenida Alcalde Portanet e Avenida Castrelos

#### **Horario:**

- Venres, sábados e vésperas de festivos: De 11:00 h a 14:00 h e de 17:00 h a 21:00h.
- Días restantes, domingos e festivos: De 18:00 h a 20:30 h.

#### **5.- OCUPACIÓNS DEMANIAIS CON MERCADOS TEMÁTICOS DE NADAL E ATRACCIÓNS RECREATIVAS XESTIONADAS POR ENTIDADES PRIVADAS**



## Concello de Vigo

Atendendo ás autorizacións administrativas de ocupación demanial para a xestión e aproveitamento dos seguintes emprazamentos con atraccións recreativas e outras actividades en vigor:

### **5.1.- Cíes Market": mercadillo temático de Nadal e atraccións recreativas (Expte 7815/106):**

Localización: *A desenvolver nos espazos abertos ao público da contorna da Praza de Compostela, con instalacións portátiles desmontables e atraccións recreativas a colocar na rúa Areal e nos xardíns Gonzalez de Haz y Eijo Garay.*

#### **Mercadillo (Praza de Compostela):**

- \* 90 ud. Casetas prefabricadas de venda ambulante de artesanía, produtos de Nadal e servizos de restauracion e hostelería.*
- \*10 ud. carriños móbiles adicados a venda de perritos e chucherías.*
- \* Pérgola de madeira*
- \* Iluminación e decoración de Nadal da pérgola e novo proxecto de iluminación Alameda Acendida.*
- \* Máquinas de neve artificial e son que se instalarán na pérgola.*
- \* Máquinas de vending.*

#### **Atraccións (rúa Concepción Areal, Xardíns Eijo Garay e rúa Areal- entre rúa Colón e rúa Pontevedra):**

- Nora xigante*
- Baby volador cadenas.*
- Tiovivo-carrusel.*
- Jumping.*
- Camas elásticas.*
- Tren infantil.*
- Espectáculo.*
- Mini nora infantil.*
- Caseta de xogos de destreza.*
- Caseta de pesca de patos.*
- Remolque/caseta de algodón dulce e chucherías.*

#### **Exposicións (Xardíns González de Haz):**

*\* 1 carpa de estrutura metálica desmontable de 20 x 90 m que albergará no seu interior a exposición de dinosaurios "Dinoworld".*

**Tren turístico:**

*\* Tren turístico facendo un percorrido pola zona centro da cidade.*

**Servizos hixiénicos:**

*\* Servizos hixiénicos sanitarios para dar servizo a todo o ámbito.*

**Horario:**

- Laborables: Apertura ás 17:00 h, peche ás 22:30 h a excepción do 21 de decembro ao 16 de xaneiro (período vacacións de Nadal) peche ás 23:30 h
- Venres, sábados e vésperas de festivo, apertura as 11:00 h, peche ás 00:30 h
- Domingos e Festivos: Apertura ás 11:00 h, peche ás 00:00 h
- Días 24 e 31 de decembro, apertura ás 11:00 h, peche ás 20:00 h e 5 de xaneiro apertura ás 11:00 H, peche ás 22:00 h.

**5.2.- Mercado temático de Nadal no Calvario (expte 9353/106)**

*O mercado localizarase e desenvolverase na contorna peonil da rúa Urzáiz no Calvario e comprenderá a instalación de elementos portátiles, desmontables na vía pública, para actividades recreativas, venda ambulante e restauración ocasional.*

A tal fin, e conforme ao proxecto que a empresa adxudicataria achegou ao expediente en prazo, que inclúe :

*\* 22 ud. de casetas prefabricadas de venda ambulante adicadas a artesanía, produtos de Nadal e servizos de restauración con iluminación, decoración e ornamentación.*

*\* 2 ud. de atracciones e actividades recreativas de animación infantil.*

*\* Programación de actividades de animación de rúa.*

*\*Servizos hixiénicos sanitarios, limpeza, mantemento e seguridade da zona.*

**Horario:**

- Laborables: Apertura ás 17:00 h, peche ás 22:30 h a excepción do 21 de decembro ao 16 de xaneiro (período vacacións de Nadal) peche ás 23:30 h
- Venres, sábados e vésperas de festivo, apertura as 11:00 h, peche ás 00:30 h
- Domingos e Festivos: Apertura ás 11:00 h, peche ás 00:00 h
- Días 24 e 31 de decembro, apertura ás 11:00 h, peche ás 20:00 h e 5 de xaneiro apertura ás 11:00 H, peche ás 22:00 h.





## Concello de Vigo

### 5.3.- Outros espazos e actividades (Expte 7897/106 e 8954/106):

		Lote nº	Expte vinculado	Lugar
Atraccións re-creativas	Carrusel clásico	2	9351/106	Porta do Sol
	Pista de xeo	6	9350/106	Aparcamento de Samil
	Pista de kart	7	9352/106	Aparcamento de Samil
	Tren turístico-1	16	9355/106	Percorrido centro cidade
	Tren turístico-2	17	9354/106	Percorrido Zona Travesas
	Atraccións re-creativas:Pista de coches de choque	6 Bis	9358/106	Explanada Náutico
Espectáculos	Circo de Nadal e actividade complementaria	15	9349/106	<i>Praza Mestre Prudencio Rodríguez, Coia</i>

#### Horario:

- Laborables: Apertura ás 17:00 h, peche ás 22:30 h a excepción do 21 de decembro ao 16 de xaneiro (período vacacións de Nadal) peche ás 23:30 h
- Venres, sábados e vésperas de festivo, apertura as 11:00 h, peche ás 00:30 h
- Domingos e Festivos: Apertura ás 11:00 h, peche ás 00:00 h
- Días 24 e 31 de decembro, apertura ás 11;00 h, peche ás 20:00 h e 5 de xaneiro apertura ás 11:00 H, peche ás 22:00 h.

#### 5.4.- Novos espazos ao aire libre con atraccións e actividades recreativas

Tras quedar desertos na pasada campaña as licitacións de diversos espazos abertos ao público con instalacións portátiles e/ou desmontables, propónse ampliar novamente a programación destes espazos coa incorporación de novos proxectos de actividades recreativas ocasionais preferiblemente de carácter innovador coa temática de nadal (espectáculos de inverno, atraccións 3D, parques temáticos, obradoiros infantís, atraccións acuáticas, etc.).

O Concello promoverá o procedemento administrativo mediante a oportuna licitación da licenza/autorización conxunta ou individual de ocupación de dominio público en réxime de concorrencia pública.

a) Espazos con atraccións recreativas de ocio infantil

Destinados a ofrecer espazos de xogo e entretenemento con atraccións recreativas e actividades, ambientadas con ornamentación de Nadal, diseñados especificamente para público de idade igual ou inferior aos 12 anos:

-Praza da Independencia.

-Praza do Progreso.

-Teis: Praza do mercado (Toural de Abaixo) e/ou rúa Irmáns Misioneiros.

-Bouzas: Praza de Eduardo Cabello e/ou Alameda Suárez Llanos.

b) Espazos con atraccións e actividades recreativas de ocio familiar

Destinados a ofrecer espazos de xogo e entretenemento con atraccións e actividades recreativas preferiblemente de inverno, ambientadas con ornamentación de nadal, aptas para todos os públicos:

-Praza do Berbés.

-Navia: espazos interiores da rúa Teixugueiras e/ou Parque Nelson Mandela.

c) Espazos con espectáculos, exposicións e actividades recreativas culturais e entretenemento de ocio familiar

Destinado a ofrecer ao público familiar tempo de recreo, entretenemento ou ocio en espazos abertos ao público habilitados legalmente para isto, de carácter non permanente, cubertos total ou parcialmente con instalacións fixas, portátiles ou desmontables, ambientados con iluminación e ornamentación de Nadal.

Preferiblemente adicadas a exposicións temporais con coleccións de xogos familiares que estimulen o pensamento cognitivo e capacidade estratéxica, biosaludables, realidade virtual; actividades propias de inverno (pista de patinaxe sobre xeo, esquí, neve artificial, etc); sen contido espacial con atraccións recreativas eléctricas, mecánicas ou neumáticas ou un combinado destas, e con actividade complementaria de restauración e venda ocasional de churros-chocolatería, bebidas, golosinas e produtos secos en casetas de madeira:

- Pista polideportiva da Praza Mestre Prudencio Rodríguez (Torreiro das Festas de Coia)

## **6.- OUTRAS ACTIVIDADES DE PROMOCIÓN E DINAMIZACIÓN DO NADAL**



## Concello de Vigo

Obxectivo: Consiste nunha programación de actos institucionais de apertura e peche do Nadal, así como actividades de animación sociocultural dirixidas á dinamización comercial e participación da cidadanía.

Lugar: Porta do Sol e principais zonas comerciais.

Público obxectivo: Poboación en xeral.

Tarefas e accións: O desenvolvemento do programa concrétase no deseño, difusión, execución e seguimento de diversas accións e actividades que se detallan a continuación:

### **6.1.- Acto de acendido e apagado das luces (Exp. 9854/106)**

Localización: Porta do Sol

Data prevista do acto de acendido: 2ª quincena de novembro de 2023

Data prevista do acto de apagado: 1ª quincena de xaneiro de 2024.

Retransmisión en directo mediante streaming, pantalla xigante destinada ao público asistente, con desenvolvemento de efectos especiais.

### **6.2.- Casa de Papá Noel e Carteiro Real (exp. 9859/106. Lote 1)**

Organización e contratación da prestación de servizo de atrezzo e personaxes, localizada na caseta ambientada no Nadal na rúa Policarpo Sanz, dende a segunda quincena de novembro ao 5 de xaneiro.

Horario: diario, en todo o período de 17:00 a 21:00 h, e, a maiores, os sábados, domingos e festivos, de 11:00 a 14:00 h.

### **6.3.- Visitas de Papá Noel e Carteiro Real ás zonas comerciais (exp. 9859/106. Lote 2)**

Selección e posterior organización e contratación de visitas a zonas comerciais dende o 15/12/2023 ao 04/01/2024.

### **6.4.- Actividades de animación de rúa en zonas comerciais.**

Selección e posterior organización e contratación de actuacións de pequeno formato (corais, grupos folclóricos, pasarrúas de rondallas, bandas de gaitas, animacións infantís, eventos gastronómicos, etc..)

### **6.5.-Actividades de dinamización na zona centro da cidade**

Lugares: Porta do Sol, Concatedral de Sta. María, rúa Policarpo Sanz, rúa Colón, Casa Galega da Cultura e contorna destes espazos.

Preténdese a realización de concertos musicais de pequeno formato destinados ao público en xeral: orfeón de corais, concertos matinais de bandas de música, vocais, barroco, panxoliñas; proxeccións interactivas de luz e son e inmersivas sobre o chán ou fachada, etc.

## **7.- ESTUDO ACÚSTICO DAS ACTIVIDADES PROGRAMADAS**

En todas aquelas actividades onde se poidan xerar ruídos procedentes de altosfalantes, anuncios informativos, maquinaria e instalacións das atraccións recreativas e xogos infantís; as empresas adxudicatarias dos lotes afectados, deberán realizar un estudo acústico previo a montaxe de tales equipos e instalacións susceptibles de emisión de ruídos molestos para a cidadanía ao obxecto de evitar o incumprimento da normativa vixente.

No caso de que o estudo acústico determine a imposibilidade do cumprimento da normativa de ruídos, a empresa adxudicataria deberá solicitar ao Servizo Xestor, ao amparo do artigo 9 da Lei 37/2003, de 17 de novembro, do ruído (tamén, o artigo 7 do Decreto 106/2015, de 9 de xullo, sobre contaminación acústica de Galicia), a posibilidade de suspensión provisional dos obxectivos de calidade acústica, tendo en conta os seguintes requisitos e límites:

- Carácter de excepción e restritivo da aplicación do precepto.
- Con motivo da organización de actos de especial proxección oficial, cultural, relixiosa ou de natureza análoga cun espazo temporal corto.
- Medidas necesarias a adoptar e condicionantes para garantir a mínima incidencia acústica durante a suspensión provisional e temporal dos obxectivos de calidade acústica.
- Limitando os niveis sonoros de emisión durante o período de excepción.

Así mesmo, cómpre sinalar, tamén, que entre as posibles condicións ás que pode someterse a suspensión solicitada é a limitación de horario de funcionamento das instalacións. Lémbrese que segundo a OMRV os niveis de ruído máximo admisibles redúcense considerablemente a partir das 22:00 horas.

*Non se poderá instalar ningún tipo de maquinaria, nin montar equipos ou instalacións que poidan xerar ruídos sin a xustificación e verificación previa do cumprimento da Ordenanza Municipal de Ruídos e Vibracións do Concello de Vigo, ou se acorde a suspensión provisional dos obxectivos de calidade acústica.*

## **8.- MEDIDAS COMPLEMENTARIAS**

- Realización dun estudo do tráfico de vehículos que conteña a reordenación do mesmo en superficie co obxecto de facilitar a fluidez e tránsito dos residentes das zonas afectadas e en particular as persoas de mobilidade reducida



## Concello de Vigo

- Realización dun estudo acústico co obxecto de garantir o cumprimento da normativa de ruídos, nas zonas de influencia da programación do Nadal.
- Reubicación de prazas para persoas con mobilidade reducida.
- Ampliar o espazo peonil actual, co obxecto de dotar dunha maior fluidez e en evitación da concentración de público e prevención de grandes aglomeracións, no ámbito da programación do Nadal.
- Potenciar o uso do carril-bici para facilitar o desprazamento da cidadanía residente nas zonas mais afectadas.
- Reforzar o servizo de limpeza e baleirado de papeleiras e reubicar os colectores das rúas de maior concentración, mobilidade e ornato, cara a espazos secundarios.
- Reubicación ou retirada si procede, do mobiliario urbano afectado pola Programación do Nadal.
- Medidas de protección sobre as zonas verdes e arborado afectado.
- Mellorar a sinalética informativa (aparcamentos...).
- Reforzar o control policial, cos efectivos necesarios, principalmente durante os días de gran afluencia.

Polo anteriormente exposto, elévase a Xunta de Goberno Local, como órgano competente para a aprobación do programa segundo Resolución da Alcaldía de data 20.06.2023 a seguinte proposta:

**PRIMEIRO.-** Aprobar a programación de Nadal 2023-2024.

**SEGUNDO.-** Publicar o presente acordo na páxina web do Concello de Vigo.

**TERCEIRO.-** Dar traslado aos servizos municipais afectados coa proposta de programación de Nadal 2023-2024.

### **ACORDO**

A Xunta de Goberno local aproba a proposta contida no precedente informe.

**3(847).- PROPOSTA DE ADXUDICACIÓN DA CONTRATACIÓN DA ILUMINACIÓN DECORATIVA DA CIDADE DE VIGO NO NADAL. EXPTE. 9274/106**  
Visto o informe de fiscalización do 13/10/2023, dáse conta da proposta da Mesa de Contratación realizada na mesma data, que di o seguinte:

**11.-** Propostas de adxudicación

d) Procedemento aberto para a contratación da iluminación decorativa da cidade de Vigo no Nadal (9274-106)

### **LEXISLACIÓN APLICABLE**

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto legislativo 3/2011
- Prego de cláusulas administrativas particulares que rexe o procedemento aberto para a contratación da iluminación decorativa da cidade de Vigo no Nadal (9274-106)

### **ANTECEDENTES**

**Primeiro.-** Con data do 21 de xullo de 2023 a Xunta de Goberno local, acordou:

*“PRIMEIRO.- Aprobar o expediente de contratación para contratar por procedemento aberto o contrato mixto de servizos e subministros da iluminación decorativa de Vigo nas Campaña do Nadal 2023-2024, 2024-2025, 2025-2026 e 2026-2027.*

*SEGUNDO.- Aprobar o prego de prescricións técnicas particulares de data 07/07/2023 e o prego de cláusulas administrativas particulares que rexerá a contratación, redactado pola Xefa do Servizo de Contratación de data 16/05/2023.*

*TERCEIRO.- Autorizar o gasto de 9.487.585,80, que inclúe un IVE de 1.646.605,80 € , durante catro anos desde o 1 xullo de 2023 o cal se imputará a partida 4310.2279900 “Instalación e mantemento da Iluminación do Nadal” co seguinte desglose:*

<i>ANUALIDADE</i>	<i>CUSTE NETO</i>	<i>IVE</i>	<i>IMPORTE (IVE engadido)</i>
<i>2023</i>	<i>1.424.796 €</i>	<i>299.207,16 €</i>	<i>1.724.003,16 €</i>
<i>2024</i>	<i>1.917.795 €</i>	<i>402.736,95 €</i>	<i>2.320.531,95 €</i>
<i>2025</i>	<i>2.016.795 €</i>	<i>423.526,95 €</i>	<i>2.440.321,95 €</i>
<i>2026</i>	<i>2.066.595 €</i>	<i>433.984,95 €</i>	<i>2.500.579,95 €</i>
<i>2027</i>	<i>414.999 €</i>	<i>87.149,79 €</i>	<i>502.148,79 €</i>
<i>TOTAL</i>	<i>7.840.980</i>	<i>1.646.605,80</i>	<i>9.487.585,80 €</i>

*CUARTO.- Abrir o procedemento de licitación na forma legalmente prevista.”*

**Segundo.-** A concelleira da Área de Goberno de Seguridade, Contratación, Festas e Xestión Municipal, por delegación da Xunta de Goberno local (acordo do 22 de xuño de 2023), o 14 de setembro de 2023 adoptou a seguinte resolución:



## Concello de Vigo

*“Primeiro.- Clasificar, de acordo cos criterios de adxudicación sinalados no prego, as proposicións admitidas neste procedemento para a contratación da iluminación decorativa da cidade de Vigo no Nadal (9274-106) na seguinte orde descendente:*

	<b>Licitador</b>	<b>Puntuación total</b>
1	ILUMINACIONES XIMENEZ, S.A.	100 puntos

*Segundo.- Requirit ao licitador clasificado en primeiro lugar, ILUMINACIONES XIMENEZ, S.A., para que presente, no prazo de dez días hábiles, a seguinte documentación (artigo 150.2 LCSP):*

- 1. Declaración responsable de non estar incurso en prohibición de contratar.*
- 2. A documentación esixida nas cláusulas 8 e 22 do prego de cláusulas administrativas particulares (PCAP).*
- 3. Resguardo da garantía definitiva esixible de acordo co disposto na cláusula 24 do prego de cláusulas administrativas particulares”.*

**Terceiro.-** Esta resolución foi notificada ao licitador clasificado en primeiro lugar, ILUMINACIONES XIMÉNEZ, S.A., o día 14 de setembro de 2023, que presenta a documentación requirida o 20 e 22 de setembro de 2023, dentro do prazo concedido.

Revisada a documentación, a Mesa de Contratación, na súa sesión do 28 de setembro de 2023, acordou conceder un prazo de 3 días a ILUMINACIONES XIMÉNEZ, S.A., para que puidese emendar a documentación á que se refire o artigo 150 da LCSP. Durante o prazo concedido o devandito licitador presentou, a documentación requirida.

**Cuarto.-** A Mesa de Contratación na sesión do 13 de outubro de 2023 revisou a documentación presentada, sendo esta correcta, polo que acordou, por unanimidade dos membros presentes, propoñer ao órgano de contratación a adxudicación deste procedemento.

### **FUNDAMENTOS XURÍDICOS**

**Primeiro.-** A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase aos licitadores e, simultaneamente, publicarase no perfil de contratante no prazo de quince días (artigo 151.1 LCSP).

Recibida tanto a documentación presentada polo licitador clasificado en primeiro lugar ILUMINACIONES XIMÉNEZ, S.A., como a solicitada de oficio pola Administración municipal e, comprobado que esta é correcta, procede adxudicar este contrato.

**Segundo.-** A competencia para formular a proposta de adxudicación ao órgano de contratación correspóndelle á Mesa de Contratación. A proposta realizarase a favor do licitador que teña presentado a mellor oferta, de conformidade coo disposto no artigo 145, segundo proceda de conformidade co prego de cláusulas administrativas particulares que rexa a licitación.

A oferta máis vantaxosa para a administración contratante é a formulada por ILUMINACIONES XIMÉNEZ, S.A., de acordo co informe de valoración das proposicións avaliadas mediante xuízo de valor de data 11 de setembro de 2023 e o acordo da Mesa de Contratación de data 14 de setembro de 2023.

**Terceiro.-** A competencia para a resolución deste expediente correspóndelle á Xunta de Goberno local (apartado 4 da disposición adicional segunda da LCSP), na súa calidade de órgano de contratación.

En base ao que antecede, propónse á Xunta de Goberno local como órgano de contratación, en uso das facultades que lle confire a lexislación vixente, a adopción do seguinte acordo:

*“Adxudicar a ILUMINACIONES XIMÉNEZ, S.A. o procedemento aberto para a contratación da iluminación decorativa da cidade de Vigo no Nadal (9274-106) coas seguintes condicións:*

- a) *O prezo total do contrato é de 9.440.147,87 euros, sendo a cota correspondente ao IVE de 1.638.372,77 euros.*
- b) *Incrementa o número de arcos modelo ARC-04 en 100 unidades.*
- c) *Incrementa o número de motivos modelo MOT-02 en 125 unidades.*
- d) *Incrementa a iluminación en árbores modelo ARB-03 existentes distribuídos en distintos puntos da cidade en 100 unidades.*
- e) *Comprométese a achegar un elemento 3D dunha altura mínima de 8m e un volume mínimo de 128 m<sup>3</sup>.*
- f) *Comprométese a achegar 83 arcos eficientes que reduzan a dispersión do fluxo luminoso das lámpadas Led instaladas, coa conseguinte redución da contaminación lumínica.*

*Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada”.*

## **ACORDO**

A Xunta de Goberno local aproba a proposta contida no precedente informe.





## Concello de Vigo

E sen ter máis asuntos que tratar, o Sr. Presidente rematou a sesión ás doce horas e cincuenta minutos. Como secretaria dou fe.

SGF/if.

A CONCELLEIRA-SECRETARIA DA XUNTA DE GOBERNO LOCAL,  
Patricia Rodríguez Calviño.

O ALCALDE  
Abel Caballero Álvarez